



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六四〇

聽雲僊館儷體文集四卷補編一卷聽雲僊館儷體文續集二卷聽雲僊館

詩集二卷聽雲僊館詞一卷附西游吟草一卷 湯成彥 撰

一

玉井山館文略五卷玉井山館文續二卷附西行日記玉井山館詩

十五卷玉井山館詩餘一卷 許宗衡 撰

一二五

秦川焚餘草六卷首一卷補遺一卷附刻一卷 董平章 撰

三八七

喝月樓詩錄二十一卷（卷二十一缺） 王 鴻 撰

五一九

古愚軒全集存稿不分卷 青 麀 撰

六六一

聽雲僂體文

序

龍驚其體笙簧其音春華芳而當風秋蟲淒而居月秋史之於駢文殆所謂天授非人力矣余得交秋史垂二十年同在京師見所作類多稱妮莫駭代人捉刀之爲而指事切情一一如人腹中之所欲言固嘗竊議之謂其所自爲必有獨抒胃臆騰天而入淵自成一不朽於天地閒者今年在鄂州乃得讀其手所錄文四十六篇而秋史之眞學問眞性情始稍稍得測其一二秋史以倚天拔地之才陵古轅今之氣於他體不多作恆肆其力於駢文其於書無所不窺每過目終身不復忘卽偏旁點畫某行第幾字舉以相詰無少爽故其爲文也尤

聽雲僂體文序

於徵古宜性孤介落落與世忤及遇橫逆游覽半天下益洞然於身世之艱家庭朋友之感故其爲文也又於言哀宜夫秋史之文旣無乎而不宜矣而余更以二者爲所宜之二者之宜秋史所獨宜也卽秋史之眞學問眞性情也信乎其爲天授非人力也夫以卿雲之麗而文汨其質昉約之博而情隱於事玉谿猶祭工矣而窘於短牘東坡泉源富矣而才在單行獨我秋史華而婉贍而有深致沛乎其若馳愀乎其若思循是以爲文方且抗迹騷雅平視曹劉又何蘭成孝穆之云而秋史顧退然自號於人曰吾將以學徐庾而迄無由得其似也然乎哉然乎哉咸豐十年歲在庚申正月之吉同榜弟

錢寶青謹識

聽雪齋集序

序

古人有言人之相知貴相知心心之不同如其面焉蓋人有隱微曲摯之意積數十年而莫或一知則且以其緒餘見之文辭而其才力之所發摠平生問學之所充積則又不欲直寫其志姑極環偉閎參之勝且於世於物若纖毫無所拂忤和平夷擇風起雲舒各得自然使天下皆欲親見以爲快而其爲人則又狷潔沈默若舉世無足當其意姑就其所最習者及少年初學縱論往昔瑣瑣不勌卒未言其志之所欲爲與其學之所獨至蓋其於天下之事及其一身所游歷並其所爲文章直寄焉而已其心若無與也如吾友湯君秋史績學善文博聞彊識以進士隸秋曹有聲爲人寒峭若不可近而簡夷不設城府余初識君時年未弱冠同問業於陸甫生師君已鋒穎騰發愧不能及又十年與君同宦京師君喜延攬後進鄉人士之貧無依者樂往歸之是時同邑儕輩迴鵠清要者甚衆酒食文譙無虛日君獨落落無與合或有非議之者余輒曉之曰世有不調不瀆如秋史者乎衆始語塞顧余與君僅數月一見見則臚舉前後數十年鉅細之事無毫髮遺忘語畢輒去蓋蹤跡未嘗不闊疏也後數年余出守閩中君亦以鄉人累鑄職去遂不相聞戊午之秋余遷楚臬君忽從蜀中來貌充悅如昔年囊詩文數百首執手各道勞苦蓋已橐筆

聽雪齋集序

遊五六年西登太華南極滇池宿峩眉之顛經瞿塘之險將由楚而北轅也君從子世鏞適判武昌館之經歲人以世俗文字求者輒應之無難色君故長漢魏六朝之文比益參唐宋人法汪洋奇肆斬適己意恢廓若無涯涘豈其心之偶見於是乎抑其心大有不盡於是者乎經術淵懿而不言儒志氣超遠而不言道上下古今而不言治出入寇難而不言兵嗟乎秋史其將蘊所蓄積期一當於世耶抑將藏璞含光寄迹名山以終老也軍興十年江南禍患方亟余方有浙西之行君亦首塗有日相見知在何時獨於君微隱不可見之衷臆度而若有得也蓄疑而期以告也以爲信知君乎恐又未之

聽雲僊館僊體文集序

盡也姑於君之文序而及之咸豐十年八月同里莊受祺敘

此去年八月黃州舟次所草也不十日余北行患溼疾幾殆乃乞退回鄂疾猶未已而楚邊筦鑰失嚴賊復蹂躪黃德諸郡縣幾徧君又以事赴蜀余亦避寇峽州相遇於城隅陋屋閒益慨身世之感如頽波如疾風任其鼓盪而不自知也誰秉國成而令決壞若此君屬重錄前敘并爲識其月日咸豐十一年四月壬戌又書

序

與秋史同年交十餘年矣秋史少時卽好爲駢儷之文長而益進縱橫馳驟不可一世李申耆丈嘗亟稱之卽吾黨諸君亦共相推許也余讀其文深慕之因亦稍稍爲之自愧不如遠甚然余每咎秋史之冗戊子己丑閒秋史專肄舉業所爲漸寡而余乃益事涉獵瀏覽而上心折漢晉雖所爲仍弗如然又病秋史之密庚辛以後秋史所爲益富所詣益精向之咎其冗且密者不敢復有規進淵淵乎文質均劑學博而說詳焉自壬癸以來蹤跡漸闊余客齊魯秋史游豫其閒一遇於里閭未幾又各以奔走衣食不相值敬業樂羣之義蔑如也今年

聽雲僊館僊體文集序

春試相聚於京師最久因得統觀前後所爲之文炳蔚裔皇充實粹美其識之精學之茂光采之煒曜體格之渾融洵乎與年俱進而深造靡已者與秋史善法先正卓然名世而余基植既薄比年復作輟棄置自以爲弗如者殆終弗如也已雨霽夜涼挑鐙卒讀感潮曩昔傾意鉅製爰書數語以抒嚮往之悃以志吾兩人離合之跡云辛丑四月天帝游東井日同里年愚弟董思誠讀竟并記

聽雲僊館儷體文集目錄

陽湖 湯成彥 秋史

第一卷

賦

擬王子安九成宮東臺山池賦 并序

西湖賦

頌

西師告成勒碑太學頌 并序 代

楊忠武公頌 并序 代

丹徒嚴氏雙節頌 并序 代

敘錄

聽雲僊館儷體文集目錄

漢魏六朝隋唐地理書目考證敘錄

序

毘陵經籍志序

洪祐甫先生遺書總序

吳愼菴明經地理便覽序

劉松泉太守青黎閣吟草序 代

潘雲雷刺史春星草堂詩集序 代

從兄藝卿先生適硯齋詩鈔序

第二卷

序

孫小淵上舍沒成無補集序

周季華女史天啟宮詞序

送趙芸西孝廉之湖北序

黃樹齋少司寇憑虛閣雅集圖序 代

秦孝廉誼亭同年春午園雅集圖序

楊禮堂孝廉寒梅曉夢圖序

顧華省茂才槐南隨筆序

記

重修元妙觀碑記

東皋草堂記

游城東記

顧烈婦羅孺人歸葬秦中記

聽雲僊館儷體文集目錄

第三卷

墓表

署福建閩縣知縣方君彥聞墓表

祠版文

先賢吳學士祠版文

祭文

祭李申耆先生文

公祭祢師母陳夫人文

哀辭

孫庶翼上舍程子香明經兩君哀辭 并序

誄

楊忠武公誄 并序 代

孝廉毛君拙齋誄 并序

第四卷

誄

明經趙君孟符誄 并序

戶部雲南司候補主事呂君季穎誄 并序

完顏惲太夫人誄 并序 代

莊母費太孺人誄 并序

陝西候補知縣唐君妻錢孺人誄 并序

跋

方彥聞大令諱書楹帖跋

聽雲僊館僊體文集目錄

三

補編

祭文

祭趙摺之封公文

祭董晉卿明經文

祭蔣啟丰明經文

祭管孝佚大令文

祭劉會蔭上舍文

祭張母吳太孺人文

聽雲僊館僊體文集卷一

陽湖 湯成彥 秋史

擬王子安九成宮東臺山池賦 并序

九成宮東臺結勝遐曠背巖枕流爾其飛瀑瀉空檐牙

隱樹喧寂萬狀煙林四圍侍郎張公涉覽明瑟遂崇締

構因庫蓄渚卽高作巖危亭補樓飛入屏障峭壁插漢

通於谿橋山翠落於晨杯急湍鳴於曉簾雖懸流百步

而蓬瀛宛在人間削石一拳而華岳起於方寸僕昕夕

多暇侍奉履綦忝爲梓澤之游聊作小山之序云爾

爾其地接金臺路臨綺陌月館飛甍銅街列戟草檉步

而縈青絮搖風而點白金碧徒誇煙霞未闢無曲沼之

聽雲僊館僊體文集卷一

層波少仇池之片石雖鄰仁壽之宮未稱羅含之宅乃

翦草萊疊巘崔巍割雲腴之一朵覺林壑之全開移藤

挂壁剔石穿苔晴虹忽現野鶴都猜樹何時而綺合花

滿目而霞堆非巨靈之可擘豈愚叟之移來然而峰可

棲猿池雖浮鷺有叢桂之畱人乏春流之繞屋遂傍眉

巒疏泉一匊溪小於杯風輕泛穀源噴珍珠袂瀾懸瀑

雲近水而影浮岸連山而岫複溪聲從巖腹而飛來煙

樹共風帆而低簇加以傑閣迴廊古柏新篁危欄則一

曲二曲垂柳則千行萬行窗低貼月澈遠流觴補甘蕉

而聽雨植荷芰而延涼籬編蟹舍樹綴蜂房鵲巢晨架

鷺港潛藏夜雨過而羣峰盡綠巖花落而一水皆香春

嶂兮探雲秋塘兮盪槩消夏兮山翠晨飛泛雪兮冰船
夜響招朋舊之兩三繼煙雲於指掌放鶴開亭又魚撒
網蛤吠空階鹿迎藤杖落松子於繩牀逗泉光於書幌
深復深兮山外山樂莫樂兮濠上想一觴一詠宜雨宜
晴有松影竹影多蛩聲雁聲長橋短橋兮紆曲花圃藥
圃兮縱橫穿林屐響逐水舟行苔濃步滑荇觸帆輕聽
松風而神爽鑑潭影而心清明月欲墮素醪獨傾琴歌
一疊枯槎一杵指煙蘿而共語與鷗鷺而偕盟奚必遠
違夫城市方可脫略乎簪纓

西湖賦

越客不樂觀於聖湖觀明景之足鑒弔亡吳之故都感

靈雲傳信集卷一

二

舊懷來蒼茫鬱紆迺抽毫濡翰命從者而賦之從者前
席而進曰鄙人無狀不任大命臭遺至芬響之鴻應雖
然願略興廢之大端而綴山澤之偏勝全湖所宅是爲
奧區浮空作色積實反虛渟瀾無波宕往不紆三周倚
山一面負郭汎不可逾逝不能速焚菁之所萍漲林木
之所磅礴淵然冷然常若深淥若夫宿雨初霽晚日將
沒游氣上散浮颺下集天泛影而殊狀山流雲而異質
絳縹梢參莫可名識至於羈客獨往美人不來浩歌激
越流影徘徊傷歲華之易逝答青巖於山隈爰有素渚
潛鱗高林逸羽松邱習靜之徒石丁思元之侶聆遺響
而低昂發孤懷而容與溪谷爲之吐納巖壑資其端緒

靈雲傳信集卷一

三

斯皆耳目之所及見與平昔之所嘉許固未足侈形勢
於九州誇大觀於寰宇越客喟然歎曰烏乎噫嘻是非
結構於鴻濛之初析靈於嶽瀆之餘者乎其久足徵其
明足見涵而不盈動而不渙歷盛衰之幾何常沖淡而
無變願吾子毋塵以爲娛游之府祇足供夫閒宴

西師告成勒碑太學頌

朱學使觀風江左代莊阮瑀文

臣聞七緯麗天參虎耀金精之宿五兵利用機槍掃絕
域之氛故會稽玉帛誅後至者防風丹浦戎師緩前禽
者就日以至軒后承靈肩膊誌蚩尤之冢周王膺籙靈
雷服獵狁之師莫不振弧矢以威九州廓雲霓以靖六
服所以岱嶂玉策稽文化於百神魯殿金絲告武成於
前聖方之今日靡得而言焉欽惟
皇帝陛下天樞高挈地絡宏包員靈陳九圍之圖秦姐
賁十華之券含齒戴髮六合奉

天子之尊方體圓顙一統成

聖人之業動扶極而歸雲陣豈惟千八百國而遙運參
旗而憲斗鈴已出二十八宿之外故三靈祇若六宇謳
歌意杵繪絮盡候月而歸琛渟醑溟蠡俱占風而納賁
金輪布日鯁魚清假邸之災玉弩垂芒凶水無九嬰之
沴豈有未革狼心仍懷豕突封狐逞志自投一面之羅
毒虺挺災竟肆九頭之虐者哉乃有逆回張格爾者浮
竹餘種沈木藁芽龜又生羆梟將爲鏡性同槃駱通巴

焚而未能習共犬獠比夜郎而自大脫身荒微甘自絕於

天葬負命窮蹙屢有干於

國憲蓋自我

高宗純皇帝之平定回部也

廟略覃敷已掃潢池於絕塞

皇威遠振先誅叛黨於巨酋鐵額銅頭竟貫囊街之斧
鎖窮奇檣杪未封武觀之鯨鯢寬其萬死之誅宥以再
生之德銅街拓土呼韓荆白馬之盟鐵券延恩荒外訂
黃龍之約是則白環效貢未足酬誠

丹闕施仁詎云望報乃不思北面懷音西隅息喘榮假

聽雲僊館儷體文集一

四

分符列甘涼之六郡心同向日格干羽於兩階洗兵瀚
海永消風雨之災刷馬天山長斷煙烽之警竟欲包藏
禍心圖謀反噬幸鞭長之不及恃地險以爲雄氣雜金
行背朱隄而結黨山鄰陰積橫赤燄以疏疆振螳螂之
臂拒轍當輪萃蚊蚋之羣彌山滿谷蠻爭觸鬪千里雲
屯蝟集蜂飛一呼霧合以致雲臺上將幾殞岑彭麟閣
勲臣敢殲來歙自謂投荒之餘孽可貸誅夷薦食之封
豨足達聲教豈知禹功敷土四溟無倒海之波異母迴
颺大地絕反風之草於是

皇上天怒斯張元謨廣運法文昌而簡武臣御平臺而
授方略庀水衡於太府鳩俊票於羽林揚威大將軍長

齡實總元戎特膺閫寄授節鉞於江淮不必伏波四將
贊

天威於吳蔡斷推裴度一人由是

天戈所指箕張翼舒

皇旅啟行星流電激蓋

聖人之德除暴救民

王者之師有征無戰遂駐旂雪嶺取道烏孫凌崆峒騰
嶽薛黃公遁甲能全萬勝之師元女兵符克通九變之
策加以五部雄才三河丁壯九攻按律一鼓先登神兵
七萃雲連驟騎之營鐵騎萬羣雪滿駒駝之廐先聲雷
動羽檄星馳周勃之出漢營疑從天落劉鄩之入黃澤

聽雲僊館儷體文集一

五

飛出地中贛盾一戟西北分兩道之師龍麗十重聲勢
動九天而上況以黨項爲前導深知吐谷之謀假北韃
爲疑兵直抵焉耆之域黑山四百三之部落俱聞鐵馬
之嘶朔方十八萬之旌旂盡是

王師之氣戈鋌雪色貔貅之甲隊齊來騏驎風嘶鵝鶴
之軍聲盡壯斯時也

天子方議禮蒿宮攷圖芝殿知幾則哲惟斷乃成螭仗
宵呈

乙夜之銅籤仍警虎符晝遞五申之

異命頻頒豈非文武兼資智勇天錫者乎厥後三帥謀
成六師效命九折叱崇巖之馭三更裏蜀道之絲齊長

璿之攻突厥齊唱蘭陵狄襄武之奪崑崙時當元夜况乎上契

天心克來神助風雲集涿鹿之師煙塵布地雷雨助昆陽之戰屋瓦飛空狂飈煽赤壁之舟海水待蒙哥之渡同茲奇捷實藉明威遂乃銅丸內潰崑岡之沙礫俱焚鐵弩斜飛金水之波瀾盡沸偏師直搗萬馬噤聲數武庫之兵未遺一矢計鬼方之克不待三年蛟矛未拔洞脇穿胸銀鵠先奔夷山殄谷雄虺授首山空罔象之災妖鳥懸頭夜落訓狐之魄亦其自取虔劉適足償其罪戾矣時也

天威震讐

聖德集傳卷一

六

禁旅駢羅南嶽傳歌東靺鞨舞檻車執訊露板宣威鷗鷖回輪楊柳壯函關之色熊羆轉隊旌旗豔榆塞之春從此營開萬里新標定遠之名壘築三城盡是受降之地豈特碣石銘功燕然拓境鏤穹碑於碎葉建鐵柱於溟池所可同日語哉

皇帝於是坐明堂而錫賚御紫殿而受俘

翠輦遙臨勞條侯於細柳

乘輿親降問耿弇於臨淄黃鉞行威武庫漆月氏之首青邱解縛組纓正貳負之誅而且龜紐錫五等之封龍袞煥上公之服畫鄂褒之冠劍並列凌煙著衛霍之勳名俱開帶礪赫赫乎秉

一人之慶而揚萬里之威者矣且夫光宅六合大業也澤浸七部鴻德也逆回就縛束縶象闕偉功也樹銘鐫勳潤色騰冊昌數也我

國家

歷聖相承重熙累洽開天竺之圖鑄鴻文於壁水闢金川之域鏤鳥跡於橋門鋪以金聲聽雲韶之樂釐以石鼓紀岐阜之勛固已形容盛偉藻被工歌今

皇上誕敷文德有此武功承

歷聖之宏謨廓

皇朝之休業道宗至聖威同兩觀之誅功企尼峰共振中天之鐸四門洞啟聳石柱以虹申七聖駢駟植寶碣

聖德集傳卷一

七

而雲峙紅欄曲護陋石字於胥居碧琬回環鄙螭趺於姚雋

天毫濡染叶元音於清廟明堂大筆淋漓啗古製於韓

碑柳雅陳師鞠旅質成謀於先聖先師治定功成勒豐

碑於東膠東序臣幸列青衿恩叨食餼歷階無自跂景

奚從肩摩孔卓之牆目極

帝臨之宇敬竭涓埃尙慚朱鷺鏡歌之作導揚乾則聊

附白狼檠木之餘謹拜手而獻頌曰

於鑠聖

清奄有區宇雲時受釐蒼符紀祐交趾南綬金川西撫禺疆軌屬肅慎貢弩黃芽所入盡歸卽敘蠢茲西陲歷

世濟愿負險窮邊敢肆猖獗白羽盡飛烏櫓望絕堂堂
賈復殲我邦傑邊檄告警

赫怒斯張選將簡帥

皇威遠揚訖訖將軍虎矯龍驤

天子命我於彼西疆隆衝弗弗旂旄央央取道流沙遂
超哈密青海混茫天山碑兀雷厲風行雲馳電激洸洸
王旅所向莫敵時維除夕塞外煙昏雲旗慘淡天馬嘶
鳴圍城大捷洸水神兵三軍氣壯邊塞威行百道梯攻
五兵圍合雕庫成羣呼韓盡懾困穴鼠窮煙巢狐突
天罰已彰渠魁斯得龍堆以北大漠以西鋒車險嶺積
甲山齊羣回震懼恭聆鼓鼙激清萬里野無逆黎露布

聽雲僊館儷體文集卷一

八

奏捷上達

九重策勳飲至大典聿隆肆類

上帝禋祀

列宗告功用圭介福攸同賊酋獻誠禹吾就縛揭竿徧
告羣醜允服恩光下逮酬庸詔祿策以雄藩圖之麟閣

茂茲

駿烈登三成五展幣上庠釋菜東魯

天章炳曜雲軒鳳舉紀迹穹宮勒銘校序維

清緝熙毓武孕文典高岫嶠美婉皇墳昌黎吉甫稽首

揚芬於萬斯年長此嶙峋

楊忠武公頌

并序

蓋聞巖巖天柱奠坤軸而靡疆桓桓武功銘員珉而不
泐忼慨雲雷之氣飛騰戰伐之名開世一出者其業隆
百世必祀者其報遠莫不矚光氣於星辰耀洪伐於騰
牒是以讀子雲營平之頌氣壯西京摩文淵銅柱之銘
威流南紀不其盛哉莫與京矣維

聖清有名將曰崇陽忠武楊公感雷精而生符列緯之
望西蜀諸葛惟髯稱其絕倫北平將軍天性生而善射
神量夙遠素以管葛自期機緯獨超可使蕭曹卻步自
起家偏裨列位侯伯凡五十餘年之閒

國家有大征討及折衝禦捍之舉公無不戮力行閒握
奇制勝蓋自邪匪蔓延川楚驛騷

聽雲僊館儷體文集卷一

九

朝廷以勦滅之役委公公於是南定荆襄西收雍蜀而
積寇之擾攘者清自潯滑竊發煽焰河洛

朝廷以克復之役任公公於是掃清潢池輯定城邑而

么膺之內訌者平自西陲不庭致干

天討

朝廷以參贊之略寄公公於是盪平邊陲懷來屬國而
逆裔之僭忒者靖軍麾所指拉朽摧枯斬將擐旗之烈
史不絕書三門五壘之奇算無遺策而偉績所著尤在
滑州故淮蔡削平功推李愬爲第一青徐底定帝識陳
俊之元勳此尤照人耳目者也至其受知

兩朝曠絕恩紀姬文之得呂望若符契之相成唐宗之

遇馬周不膠漆而自固故公得從容其際殫智竭忠驥驥千里極九同而無前鵬鵬一搏視萬仞而若咫逮皇威遠暢中外又安公復敷歷節鎮十有餘年鑒老氏知足之義傳韋平繼世之業視宇宙無不可建之勛名古今無不可逢之遇合天實爲之蔑以加矣且夫千古未嘗無勇略也宇內未嘗無魁將也然而才堪佐世生不遇時則邯鄲危而方思馬服飛將生而已無漢高既遇其時矣或內制於枋臣外撓於大帥又不能盡其用既盡其用矣或勝負相等年命未融又不足以成大勳求其主臣同德千載一時百戰百勝而不挫其威允文允武而各極其盛助業震乎業久功名全乎始終則公

聖朝傳信錄卷一

十

一人而已故嘗抵掌曩代肝衡將才開平有公之英銳而六翮遽摧斬王有公之勤勞而末路旋晦西平有公之知遇而式廓未宏庶幾武鄉佐漢魚水慶其遭逢汾陽興唐鷹揚展其羽翼然一則以帝王之佐而崎嶇一隅一則振桓文之勳而委蛇中主功足以蓋代矣而較公之遇則未也所謂世無方歟則九野無一驥道彰夏后則長塗控二龍此遭時而遇主彥伯所爲嘖吁知臣莫若君樂羊因而流涕者也夫遇以久而益炳業無蘊而不宣陵谷長峙共識征南之名風雲已遙猶思鉅鹿之戰千載而下尚興遐慕矧在並世能勿纂揚嗚呼九原可作願與隨會而同歸八陣長懸名共峨岷而俱永

頌曰

於鑠

皇清撫有區宇東漸西被罔勿冒怙涵濡百載葉芽其間觥觥我公是劉是虔內靖伏莽荆豫梁益沃炭炳蓬戰有必克外遏窮寇鯨海羅施陰山雪窖擴於無涯敵有不靖惟公禦侮民有瘡痍惟公鎮撫龍文虎武兼以一身或攝其勇或澤其仁義勇所屆捲甲韜戈仁聲所敷後舞前歌下竭臣忠上襄

帝載功既冠世遇亦曠代推心置腹解帶寫誠建功非難知遇爲艱風雲鬱興千載一遇造物於公獨鍾異數惟岳降神惟

聖朝傳信錄卷一

十一

聖得人歷萬斯年視此宏勳

丹徒嚴氏雙節頌

并序

代張鏡湖庶常振金作

道光二十三年十二月江蘇巡撫上言丹徒縣民嚴耀庭妻李氏當耀庭沒時年二十有一矢節撫孤嘉興備歷艱苦後嘉興又卒及見其孫道發成立守節共三十七年其孫道發言其狀於學學移於縣縣上於府撫臣與督臣某學臣某藩臣某加覆覈焉咸謂宜表署其門如

制令臣敢昧死上禮部以聞

制曰可於是符下有司給白金

旌其門越數年嘉興妻任氏又以節孝聞蓋任氏歸嘉

興二載嘉興旋卒氏年二十有二生遺腹子道發氏上
事婦姑備極誠敬延師教子克以有成守節共三十年
孝義兼至其子道發復上其狀於有司撫臣孫與督臣
某學臣某同核奏如前

詔復旌其門於是丹徒之人咸嘖嘖稱嚴氏雙節焉嗚
呼盛矣夫下邑窮嫠生長蓬華目不覩女師圖史之訓
身未嫻珩璫瑤琨之教罹此鞠凶痛心曷極而兩孺人
飲藥茹荼卒能先後一軌仰事俯育宏濟艱難爲嚴氏
延一綫之傳爲彤管播千秋之烈以苦節啟純孝以倫
物樹風聲綱常賴之扶植焉錫類因之光大焉此非特
一家一邑之所尙其有關於

聖朝孝治之化者於是乎在振金忝廁蘭臺以文字爲

三

職不揣固陋爰作旌門之頌以闡大節而揚幽光鑒諸
貞珉永垂不朽乃作頌曰

於赫

聖清淳風遠徹關雎化覃柏舟義揭觥觥雙節嚴陵之
門誠貫金石兩世克敦曰李曰任巾幗之傑弈葉濟美
婦姑合轍李母來歸井臼自將生子甫髫所天遽亡兒
方弱齡家徒四壁風雨漂搖寒機指裂以養以教字此
藐孤逮兒授室母心已劬方期蔗境慰茲衰頹羅靈不
弔玉樹又摧吁嗟任母其遇更酷夫目已瞑兒猶在腹
呼天自誓從夫九原慈姑有命屑涕而言趙氏存孤若

教延祀一髮千秋惟汝是倚忍死須臾撫茲襁褓熊夢
有祥童烏是保外持門戶上奉威姑三世一脈大廈遂
扶厥子克家得延世澤畫荻丸熊纏綿胃臆鳴鶴泣
濡血上聞評乎月旦譽滿榆粉守令具辭達諸大吏遂
申宗伯請加褒異

帝曰俞哉特沛恩綸烏頭雙表楔綽岫嶙壺行之彰聿
肇中壘懷清義桓屢標信史緬茲堅白如璧斯聯孀閨
並峙女範同編雪虐風饕相依爲命姑貞婦孝氣至乃
應金焦奔奔揚子湯湯陵谷可遷令聞不亡

漢魏六朝隋唐地理書目考證敘錄

學者苟有志於涪博深湛之學魁偉絕特之略周覽古

今之通變啟拓緯世之遐矩則地理之學急宜究心蓋

三

非特稽前誥闡訓典穿鑿以駭奇廣搜以炫博已也核
厥獲益實紀特焉觀其建置因創之規域形束壤制之
轆轤都國國邑之同異遷徙僑寓之虛實星離豆剖瓜
分鼎立則世變之巨源也察其陰陽向背之殊理候序
緩速之殊氣剛柔華樸之殊民墟塹剽沙之殊土統紐
殷曠俗產蕃異則敷治之通矩也凡修古徵今坐言起
行者於是乎在不其懿與閒嘗綜覽古皇式訓之旨彝
道縣暖之要文命敷土垂厥禹貢駿業鴻績永世作則
凡山川疆域物產貢賦區列蕃庶臚樹富焉上拱王圻
下逮荒外總括率壤規式隆焉煌煌聖謨聿啟典奧百

家騰躍權輿於此云姬錄宣制六官崇職體經辨正炳
哉首列總之以冢宰董之以司徒專掌九壘曰職方氏
元聖者定緯綸區宇而於其間輶軒下賁綜採諸諺上
貢天子厥編風詩於是列其民俗土風章志無隱雖不
專誌輿域亦後世風土記風俗傳所肇始焉降及列國
各有載記九州之志厥名九邱土地所生風氣所宜靡
不範耀繡帙燦落缺焉不傳迨我夫子取百二十國寶
書以成春秋方州圖緯悉承綜錄淵哉鑠乎先聖哲王
崇定彝訓式範萬祀而經有其六輔裨地者厥惟四焉
可以見神聖啟覺之意國野經制之典而黃輿赤輿之
籍記上與徵聖宗經而同炳矣炎精肇興承百王末變

臨雲傳集卷一

十四

改遷徙統馭肇域嘗使劉向略言其域分丞相張禹使
屬頽川朱轅條其風俗有志創輯未克宣究厥後班固
作史始得考跡詩書推表山川前軌夏王下闡皇極炳
麟咸耀肇冕羣籍矣厥後魏紀卓特之士覃思樹義觀
遐揆邇甄序幽遠剔剔偉怪闡地絡之沈奧綜皋陸之
蒸濡莫不鈞巨提閭萃離析合偉哉前修鑒懸河嶽矣
下暨六朝及彼隋唐名彥疊軌圖籍麟萃綜厥體要爰
有數焉坤軸山河存乎兩戒南紀北紀井絡是界保章
掌之分星授職以辨曜躔以視凶吉蒼蒼上圜晷度是
式大衍十二絡此封域秒忽以推浩渺乃測如靈憲星
經大衍十二次分野圖諸書是也星野類一先民有言

臨雲傳集卷一

五

說地理者解釋經典惟茲考詁紛拏莫免夏貢山川春
秋會盟曰秀曰璿厥惟功臣如裴秀禹貢九州制地圖
論諸書是也詁經類二立百祀後上測邃古岡宣沈墨
莫可計簿墜勢九則經略在昔穿脅追冥極睇抵穴揆
今則異觀古則難測隱鉤索肆力已殫如古今地名皇
甫謚帝王經界考都邑考諸書是也述古類三繩繩九
區惟帝治之變定疆理古皇鴻施代有神聖絡坤承乾
裨瀛內外罔不化甄皇皇一統形束俱攝鴻英宣耀乃
紀六合如應劭漢郡國志樂資九州志諸書是也一統
類四翼翼天居連犖諸夏集萬國軫勝形獨跨秦旣虎
視漢亦龍興若臨堂皇俯視宇庭肇有十二是維帝圖
歷魏齊周盤結福祐牛首天關厥煌建康光宅萬方晉
宋齊梁如周明帝國都城記諸書是也都邑類五古無
分民而有分土或作蕃表或爲關輔奧密難撫紛駭難
集劇中殊號井竿萬集殫利察疚禁懸觀俗播茲遐規
爲後賢燭煌煌計書上之太史天子秩之以統治軌如
冀州圖經盧植冀州風土記諸書是也州郡類六土氣
融結峙爲山嶽太一中精涵爲江瀆苞殖萬彙駢駢泛
濫爲天下綱爲羣生淡石嶽盤紆形勝是恃河道變徙
紛亘莫紀以屏險陸以轉漕渠區邑是畫食貨是都如
名山略記四海圖諸書是也山川類七赫赫金城縮河
鑰峯以當衝阨以作喉襟翼以迴郭環以遑津劬焉嶂

焉以奠生民如周公城名錄諸書是也城郭類八奔星
宛虹盤鬱嵯峨不恃明德遂委蓬蒿上推原廟下及幔
亭叢雜怪誕萃茲仙霸蒼梧會稽神明式憑旁及墳塚
碣碑峻嶒如漢宮殿名吳均廟記繆襲皇覽冢墓記諸
書是也宮殿寺廟冢墓類九維古師行日三十里度疆
越阡以齊方軌武夫從軍詞士游覽凡茲循歷俱在削
槩如陸賈南越行記諸書是也道里類十緬茲區壤各
備撰述上表大事旁羅散佚史家續載限以時代方志
所臚域以一隅歷攷沿革詳厥終始騰褒貶貶與史表
裏如三輔故事等書是也故事類十一嶽瀆清淑挺茲
英秀奮起義烈扶翼世宙正義磅礴邦家以光俎豆典

聽雲僊館儷體文集卷一

六

冊名山是藏顯錄曩賢架範後傑炳其英輝頑儒以立
如劉義慶徐州先賢傳諸書是也傳記類十二黔首有
性百里不同華樸勁柔各承土風通之則協恫之則紛
拯性糾俗是在牧民如宋孝王關東風俗傳諸書是也
風土類十三殊陬單壤厥種譎異辨名詮類莫可勝計
彙彼嘉產上貢九重職方陳之區夏雲從如異物志諸
書是也物產類十四開梧多類壽靡儋耳魁頭露紛拱
此四履一候一尉播以禮文哲士甄錄以廓見聞如支
僧載外國等書是也外域類十五懿古圖書浩乎靡涯
七略七錄遂萃百家惟茲地志條流紛隲曰昉曰澄始
爲據摭如陸澄百六十家地理書任昉二百五十二家

地理書是也總集類十六凡茲列籍藏於典府上可羽
翼經注下亦繩架遐彥歲紀縣邇兵燹煨燔規厥遺製
略焉不存近代金谿王謨憫其散亡力爲蒐薈凡自漢
魏以及唐代佚落者登其目散處者輯其辭自古鴻生
鉅英殊體異製無不燦陳牒錄進攬奧旨存亡撫絕厥
功偉焉然淵博之閒微寓闕失蓋徵各地輿必尙體要
凡屬翰華何關坤載而目錄中兼載陶潛桃花源記顏
眞卿麻姑仙壇記等篇止取奢博遂失詳究則濫入者
宜刪也且自輯本諸書外止列名目不登卷數其撰從
何代採從何書委源茫昧本抵莫殫則失略者宜增也
成彥不揣樸昧繆爲甄緝因倣宋王應麟漢書藝文志

聽雲僊館儷體文集卷一

七

考證詳述源流輔以援引明厥體制使有據依綜而錄
之凡若干卷非敢低悟先哲亦冀附以垂永也敘述之
餘因念古之作者雖篇篆寥寂而英譽振遠光若淵鑒
韋帙之足以傳人蓋若是也成彥家世力學代承崇軌
先從五世祖紫庭先生高隱著書徵辟不就於地理尤
爲專家所著二十一史地理通釋通鑑地理考糾誤等
書裨補史傳究證放失其篇帙具載江南通志儒林傳
從高祖述庭先生撰述等身所著左傳釋地國語釋地
等書刪範經典開闢精奧其篇帙具載郡縣藝文志信
乎爲世作者典式來彥惜未付削氏不獲家有其書耳
成彥無似不克仰纂令緒少有譔著徒事補苴益用慙

愚因宣是編之緣起乃植先世之崇範且明承學之有自云

毘陵經籍志序

昔二代之徵首溯文獻七略之作廣綜圖緯故史章里棄必崇其經典至隆也自晚近削簡者膚學禱昧競修聲說之華遠忘輯略之要古來載籍缺焉零墜矣學士盧抱經先生鑒彼流失愍其佚亡萃郡邑之書攷班志之例創爲毘陵經籍志一書大令洪祐甫先生復補其缺遺都爲四卷上自漢代下迄

聖朝靡不綜緝凡千餘年來鉅儒碩彥所以垂光而傳遠者略具於此矣嗚呼翰軒絕軫里謠未陳兵燹迭經

藝文彙編

六

金石遂泐致故里之遺篇盡瘞耀於窮壤而兩先生獨能植筆千祀詳探遐彥使前哲之託於絹素者不至泯其胷臆後儒之紹其軌轍者永得恃爲淵渠則討蒐之勤增輯之富厥功偉矣然使際散亡之世操寡約之見據間塾之片義搜薈字之斷碑則矜一得於蚓竅撮遼海之鴻羽安得宏博若此哉蓋由

國家崇獻稽文遠軌邁古當乾隆之間

天子憫羣籍之離佚羅往古之舊聞廣鴻都之館開獻書之路特命翰林碩儒如劉向尹咸者條其次第撮其指要編爲四庫全書總目凡千載之廢墜無不振其精英九區之篇條俱各呈其瓊寶一時之脫簡潛文充照

秘府矣抱經先生置身禁近摘藻霄漢冊府之盛濡染爲多而祐甫先生亦得給札三館錄書十年是以凡所刪輯俱得宏備非特蒐簡之勤敏亦休載之厚遇也成彥暇日嘗尋其篇目攷厥緯義其英華之不耀津涖之可逮者以百獲一蓋已鮮矣則夫單陋遐里曩言僻義燔落乎元燼銷泐於沈磔縣曉年祀邈若河漢可勝言哉可勝言哉

洪祐甫先生遺書總序

先生諱飴孫字孟慈一字祐甫洪太史稱存丈長子也中式嘉慶戊午科舉人已已會試挑取謄錄

國史館議敘湖北東湖縣知縣卒年四十有四生平邃

藝文彙編

六

於史學著述至十餘種敘曰

粵稽前載命族制業雖曲藝小道必永世作則凡百黎獻是紹是維世濟其美不隕其烈所以掌庾設官九重卽以詔氏弓冶世守兆匠奉爲專門故能暢昭盧牟銘範通矩有竅窺貫通之利無繚纏呢嚮之病上可以專精覃思下亦可以繩續嗣架皇皇焉保世之模本聖哲之遙識也炎精肇興經師盛焉彬彬麟度越千祀如夏侯勝鄭元劉向賈逵諸儒莫不父子相繼遞爲傳述是以伊雒編牒庭誥卽爲師承儒林入官後轍以附先軌尙矣稱存丈少孤力學著述等身志行則垂光九區錄勝則編章家衡於是祐甫先生乃起而承之先生髫